

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
-Gradonnačelnik-

Broj: 07-4201/19
Srebrenik, 08.04.2020. godine

Gradonnačelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14), čl. 38. i 118. Statuta općine Srebrenik („Službeni glasnik općine Srebrenik“, broj: 1/08), člana 11. Privremene Statutarne odluke grada Srebrenik („Sl. glasnik grada Srebrenik, broj:1/19), na preporuku Komisije za javnu nabavku, po zapisniku povodom Rješenja URŽ, broj: JN2-03-07-1-424-8/20 od 12.03.2020. godine, u postupku javne nabavke, Obavljanje telekomunikacijskih usluga – fiksna IP telefonija grada Srebrenik za 2020-2021.godinu, d o n o s i:

ODLUKU

I

Prihvata se preporuka Komisije za javnu nabavku, te se;

I Poništava Odluka o dodjeli ugovora broj 07-45201/19 od 04.02.2020. godine.

II Prihvata se preporuka komisije po zapisniku povodom Rješenja Ureda za razmatranje žalbi broj: JN2-03-07-1-424-8/20 od 12.03.2020. godine, te se ugovor za Lot-1 - fiksna IP telefonija u iznosu od 29.051,72 KM cijena bez PDV-ea, odnosno 33.990,51 KM sa PDV-eom, dodjeljuje ponuđaču "BH TELECOM" D.D. Sarajevo, u skladu sa ponudom broj: 09.2.1-35-117002/19 od 28.11.2020. godine.

II

Ova odluka objavit će se na web-stranici www.srebrenik.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

O B R A Z L O Ź E N J E

Komisije za javne nabavke je, postupajući po uputama Ureda za razmatranje žalbi BiH po rješenju broj: JN2-03-07-1-424-8/20 od 12.03.2020. godine, a povodom žalbe "BH Telecom" d.d. Sarajevo (u daljem tekstu: žalilac) na Odluku broj:07-4201/19 od 04.02.2020.godine ponuđaču "Europronet Bosnia" d.o.o. Sarajevo uputila dopis pod brojem: 07-4201/19 od 19.03.2020. godine, kojim traži da u roku od tri dana od dostavljanja predmetnog akta imenovani ponuđač dostavi notarski ovjerenu punomoć broj:CEO-01-001-535 od 20.09.2016. godine, a koju su dostavili u ponudi, sa čitkim potpisom davaoca punomoći, sa jasno naznačenim navodima u notarskoj ispravi za koju je Punomoć, davalac Punomoći Julien Emile Joseph Coustaury, priznao potpis kao svoj, a bliže opisano u Rješenju Ureda za razmatranje žalbi BiH Mostar, koji su dobili direktno od istog.

Takođe je naznačeno u predmetnom dopisu da će se, ukoliko zahtijevano pojašnjenje za sporni dokaz ne dostavi u zadatom roku ili ne dostavi zadovoljavajuću dokumentaciju za pojašnjenje spornog dokaza, ponuda imenovanog ponuđača odbaciti i nastaviti će se dalje postupak javne nabavke.

Ponuđač "Europronet Bosnia" d.o.o. Sarajevo je dana 20.03.2020. godine primio dopis broj: 07-4201/19 od 19.03.2020. godine, a što se vidi iz dostavnice vraćene i ovjerene od strane pošte.

Dana 07.04.2020. godine Komisija za javne nabavke je nastavila sa radom, te konstatovala da ponuđač "Europronet Bosnia" d.o.o. Sarajevo, nije u zadatom roku dostavio zahtijevane dokaze kao pojašnjenje za sporne dokaze dostavljene u ponudi ponuđača, te predlaže ugovornom organu da ponudu

ponuđača "Europronet Bosnia" d.o.o. Sarajevo odbaci kao neprihvatljiva za daljnje razmatranje, a što je u skladu sa članom 68. Stav(4) tačka f).

Nakon ponovo provedenog postupka, obzirom da je pristigla samo jedna prihvatljiva ponuda, Komisija je predložila Općinskom načelniku prihvatanje ponude za Lot-1-fiksna IP telefonija, te shodno članu 70. Zakona, donošenje Odluke o izboru ponuđača "BH TELECOM" D.D. Sarajevo, kao prihvatljive za Lot-1-fiksna IP telefonija u iznosu od 29.051,72 KM cijena bez PDV-ea, odnosno 33.990,51 KM sa PDV-eom, i isti ponuđač je dužan dostaviti dokaze u skladu sa tačkom 12.2 i 13.2. Tenderske dokumentacije, a što je ugovorni organ i prihvatio

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama, te članova 38. i 118. Statuta općine Srebrenik („Službeni glasnik općine Srebrenik“, broj: 1/08), odlučeno je kao u tački I. ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema odluke o izboru najpovoljnijeg ponuđača.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.


Žalba se podnosi u najmanje tri primjerka.

Dostavljeno:

1. Ponuđačima 2x,

2. Evidenciji,

3. Arhivi.



GRADONAČELNIK

Dr. sc. Nihad Omerović